



An Bhruiséil, 18 Feabhra 2022  
(OR. fr)

6065/22

**Comhad Idirinstitiúideach:  
2021/0437(COD)**

**CODEC 134  
TRANS 69  
COVID-19 33**

## **NÓTA MAIDIR LE MÍR "I/A"**

|        |                                                                                                                                                                                                                                                                                                                                                                                                                                                                                                                                                 |
|--------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| ó:     | Ardrúnaíocht na Comhairle                                                                                                                                                                                                                                                                                                                                                                                                                                                                                                                       |
| chuig: | Coiste na mBuanionadaithe/An Chomhairle                                                                                                                                                                                                                                                                                                                                                                                                                                                                                                         |
| Ábhar: | <p>Togra le haghaidh RIALACHÁN Ó PHARLAIMINT NA hEORPA AGUS ÓN gCOMHAIRLE lena leasaítear Rialachán 2020/1429 a mhéid a bhaineann le fad na tréimhse tagartha chun bearta sealadacha a chur i bhfeidhm maidir le muirir a thobhach i leith úsáid bonneagair iarnróid <b>(an chéad léamh)</b></p> <ul style="list-style-type: none"><li>- Glacadh an ghnímh reachtaigh</li><li>- Cinneadh maidir le maolú ar an tréimhse 8 seachtaine dá bhforáiltear in Airteagal 4 de Phrótacal 1 maidir le ról na bparlaimintí náisiúnta san Aontas</li></ul> |

1. An 22 Nollaig 2021, chuir an Coimisiún an togra uaidh<sup>1</sup>, atá bunaithe ar Airteagal 91 CFAE, ar aghaidh chuig an gComhairle.
2. Thug Coiste Eacnamaíoch agus Sóisialta na hEorpa a thuairim uaidh an 19 Eanáir 2022<sup>2</sup>.
3. Chuathas i gcomhairle le Coiste na Réigiún agus chinn sé gan tuairim a eisiúint.
4. An 16 Feabhra 2022, ghlac Parlaimint na hEorpa a seasamh ar an gcéad léamh maidir leis an togra ón gCoimisiún. Is léiriú é toradh na vótála i bParlaimint na hEorpa ar an gcomhaontú comhréitigh ar tháinig na hinstiúidí air agus, dá bhrí sin, ba cheart go mbeadh glacadh ag an gComhairle leis<sup>3</sup>.

<sup>1</sup> 15297/21.

<sup>2</sup> Nár foilsíodh fós in IO.

<sup>3</sup> 6064/22.

5. Iarrtar ar Choiste na mBuanionadaithe, dá bhrí sin, a dhearbhu go n-aontaíonn sé leis sin agus iarrtar air an méid seo a leanas a mholadh don Chomhairle:
- an seasamh ó Pharlaimint na hEorpa, mar a leagtar amach in PE-CONS 3/22 é, a fhorghnas mar mhír ‘A’ ar chlár oibre ceann de na cruinnithe a bheidh aici amach anseo;
  - a mhaolú, ar bhonn an dara fomhír d’Airteagal 3(3) de Rialacha Nós Imeachta na Comhairle, ar an tréimhse 8 seachtaine dá dtagraítear sa chéad fomhír den Airteagal sin, i bhfianaise na práinne atá leis an ábhar mar a leagtar amach i mbrollach an ghnímh reachtaigh.
6. Ag an am céanna, iarrtar ar Choiste na mBuanionadaithe a chinneadh, i gcomhréir leis an gcéad fomhír d’Airteagal 12(1) de Rialacha Nós Imeachta na Comhairle agus i gcomhréir le hAirteagal 1 de Chinneadh (AE) 2021/2098 ón gComhairle<sup>4</sup>, go n-úsáidfídh an Chomhairle an nós imeachta i scríbhinn chun an rialachán thuasluaite a ghlacadh mura mbeidh aon chruinniú ag an gComhairle agus córam ann an 24 Feabhra 2022.
7. Má fhorghnasann an Chomhairle an seasamh ó Pharlaimint na hEorpa, glacfar an gníomh reachtach.

Nuair a bheidh an gníomh reachtach sínithe ag Uachtarán Pharlaimint na hEorpa agus ag Uachtarán na Comhairle, foilseofar in *Iris Oifigiúil an Aontais Eorpaigh* é.

---

<sup>4</sup> Cinneadh (AE) 2021/2098 ón gComhairle an 25 Samhain 2021 lena gcuirtear síneadh breise leis an maolú sealadach ar Rialacha Nós Imeachta na Comhairle a tugadh isteach le Cinneadh (AE) 2020/430, i bhfianaise na ndeacrachtaí taistil a chruthaigh paindéim COVID-19 san Aontas (IO L 427, 30.11.2021, lch. 194 –195).